

Na osnovu Odluke o raspisivanju Javnog poziva Ministarstva za socijalnu politiku, zdravstvo, raseljena lica i izbjeglice BPK Goražde, broj: 08-37-267-4/15 od 26.02.2015.godine, a u skladu sa Odlukom o utvrđivanju prava na zdravstveno osiguranje lica koja nisu osigurana po drugom osnovu u Bosansko-podrinjskom kantonu Goražde za 2015. godinu, broj: 01-37-143/15 od 19. februara 2015. godine, Ministarstvo za socijalnu, politiku, zdravstvo, raseljena lica i izbjeglice BPK Goražde, r a s p i s u j e :

JAVNI POZIV

I

Predmet Javnog poziva je prikupljanje podataka o licima koja u prethodne tri godine imaju prebivalište u Bosansko-podrinjskom kantonu Goražde koja nisu zdravstveno osigurana ili to pravo ne mogu ostvariti po drugom osnovu, kako bi ista na osnovu Odluke o utvrđivanju prava na zdravstveno osiguranje lica koja nisu osigurana po drugom osnovu u BPK Goražde za 2015. godinu, broj: 01-37-143/15 od 19. februara 2015. godine, mogli ostvariti predmetno pravo.

II

Prijavu na Javni poziv mogu podnijeti sva lica koja u prethodne tri godine imaju prebivalište na području Bosansko-podrinjskog kantona Goražde koja nisu zdravstveno osigurana, odnosno to pravo ne mogu ostvariti ni po jednom drugom osnovu, i istu će podnijeti na obrascu koji je sastavni dio ovog Javnog poziva.

Uz prijavu potrebno je dostaviti uvjerenje o mjestu prebivališta (CIPS), uvjerenje o kretanju (MUP), te ovjerenu izjavu aplikanta da nije zdravstveno osiguran ni po jednom osnovu, odnosno da predmetno pravo ne može ostvariti ni po jednom drugom zakonom definisanom osnovu.

III

Prijava koja se može dobiti na prijavnici Kantona ili u prostorijama Ministarstva, predaje se (popunjen obrazac) Ministarstvu za socijalnu politiku, zdravstvo, raseljena lica i izbjeglice BPK Goražde na dalje postupanje.

Pored navedenog, obrazac se može preuzeti i na web stranici Vlade BPK Goražde:
www.bpkg.gov.ba .

IV

Krajnji rok za prijavu po ovom Javnom pozivu je 26.03.2015.godine.

**Ministarstvo za socijalnu politiku, zdravstvo
raseljena lica i izbjeglice BPK Goražde**

Broj: 08-37-267-5/15
Goražde, 26 .02.2015.godine

MINISTAR

Alen Pašović